



VRIENDENPRAOT

April 2021

Vrienden RTV Drenthe

Website:

www.vriendenrtvdrenthe.nl

Facebook:

www.facebook.com/vriendenvanrtvdrenthe

Rekeningnummer:

NL77RABO0124493998

KvK-nummer:

40047987

Vriendenpraot

Redactie:

Annie Brandsma en Geesje Oosting

Lay out:

Bertran Oosting

Drukwerk:

Drukkerij J&J, Havelte

Van de veurzitter

Beste vrienden van oenze umroep,

Wel laete maar allemaol nog een goed en gezond 2021 toe eweinst.

Wij hebt een raer jaor achter de rogge en wij bint er nog niet.
Mede deurdatt oenze leden veur een groot diel in de zogenaemde
risicogroep zit kunne wij niks organiseren.

As bestuur hebbe wij contact via tillefoon en de elektronische
postbusse. Zo gauw wij weer wat mucht en an durft heur ie van
oens.

Wij wilt in de toekomst deur Vriendenpraot wat meer van het wel
en wee van oenze umroep laoten heuren.

Ik hope dat wij weer wat kunt organiseren, zo daw mekaer weer
zien kunt. Harm en Roelof hadden begrip veur de ofzegging en
heur optreden hebbe wij nog te goed.

De fietstocht lig bijna startklaor, dus moed holden en kop der veur.

Een goeie gezondheid toe
eweinst uut Leggel.

Roelof Koops



Bestuur Vrienden RTV Drenthe

Voorzitter: Roelof Koops
Leggeloo 33
7991 PW Dwingeloo
roelofgkoops@gmail.com

Secretaris /
Penningmeester /
Ledenadministratie Henny van der Veen
Karbeel 49
7811 XL Emmen
06 – 54 33 01 99
henkhenny70@gmail.com
secretariaat@vriendenrtvdrenthe.nl

Leden: Annie Brandsma – Daman
Vledder 3
7932 PT Echten

Johannes Venema
Leeuwerikstraat 11
9481 EN Vries

Jeannette Stoffers
Plein 12
9451 BW Rolde



Ontdek de natuur

A man and a woman are standing in a field of tall, dry grass. The man, on the left, is wearing a dark jacket and holding a large professional video camera with a microphone. The woman, on the right, is wearing an orange jacket and holding a smaller camera. They are both looking towards the camera. In the background, there is a body of water and a clear blue sky.

Ga naar
roeg.tv

rtv
drenthe
online | radio | tv

Contributie 2021-2022

Beste leden,

Oes verenigingsjaor löp van 1 mei tot en met 30 april. Dat holt in dat wij per 1 mei weer de contributie innen gaot. Veur de mensen die oes een machtiging geven hebt, zodat wij de contributie automatisch innen kunt, wordt het bedrag van € 7,00 op 1 mei ofschreven.

De leden die graag zölf de betaling regelen wilt, kriegt begun april een brief met het verzeuk um veur 1 mei de contributie over te maken. Dat is € 7,00 en € 1,00 an administratiekosten.

Ik hoop dat jullie allemaal op tied de contributie overmaakt.

In de volgende Vriendenpraot zult wij dan weer net as veurig jaor an-geven hoe wij der financieel veurstaoet. Jammer genug kunt wij weer gien ledenvergadering hollen en gien bijeenkomsten. Maor de onkosten die wij elk jaor maakt as vereniging gaot wal gewoon deur natuurliik.

Alvast bedankt allemaal veur de metwarking en hopelijk ziet wij mekaar gauw weer.

Henny van der Veen

Penningmeester/
Ledenadministratie



Puzzel – vraagen over Drenthe

Zeuk de juiste benaomingen in Drèents of Nederlands en beneuim de verdere vragen.

1. In het Drèents wordt het 'n **brummel** neuimt, hoe in 't Nederlands?
2. In het Dreens heeit dit dier 'n **iegelkaor**, in 't Nederlands?
(2 betekenissen).
3. Wat betekent **naoberschap** in 't Nederlands?
4. Wat is de Nederlandse benaoming veur **reeuw of riw**.
5. Een **kopstubber** is in 't Nederlands?
6. Wanneer zegt men **onneren**?
7. Wat is een **buus**? (meerdere betekenissen).
8. Een **Schötteldoek** is in 't Nederlands?
9. Wat bej aj **veraldereerd** bent?
10. Wat is een **kniezebieter**?



Wat weet je verder van Drenthe?

11. Wat is de naam van het **Drens tiedschrift**, wel is de redacteur?
12. Hoeveul **sterren staon** er op de **Drentse vlag**?
13. Neuim de Nederlandse naam veur **Raol**?
14. Wat is iene die een **boeskool under 't schoet** hef?
15. Iene die een **bok an 't touw** hef is?
16. As je deur 't **haor gruid** bent, ben je?
17. As de **duvel van d' koor afgleden** is, wat bej dan?
18. Waor **woonde Roel Reintjes** zien hele leven lang?
19. Wat was het **eerste beroep** van Gerard Neijenhuis?
20. Onder welk **pseudoniem** schreef Gerard Neijenhuis?
21. Welke **bekende schriever** woont in **Börger**?

Stuur de oplössing naor brandsma.daman@gmail.com, of 'n kaortie naor Annie Brandsma, Vledders 3, 7932 PT, Echten. **Succes!**

In gesprek met ...

Sophie is geboren in 1969 in Assen en woont nog steeds in de hoofdstad van Drenthe. Nao de basisschoel in Assen hef ze in Gröningen heur VWO diploma haald. Metien deurgaon met een volgende studie, zoas de miesten doet, deed ze niet. Ze weur deur iemand vraogd um in Afrika te kommen warken. Dat hef ze een paar jaor daon, deur as reisleader met een wagen vol toeristen deur wildparken in Kenia en Tanzania te trekken. Ze was der ok nog kok bij. Dat was gien probleem, want ze had In Gröningen heur koksdiploma haald. Nao Afrika gung ze naor Japan. Daor hef ze Japans leerd en warkt in een Italiaans restaurant in Tokyo en op de wereldtentoonstelling in Osaka. Ok hef ze nog twee jaor Semitische Talen en Culturen (Arabisch en Hebreeuws) leerd, veurdat ze in Gröningen 'geschiedenis' gung studeren. Ze is daornao trouwd met de Engelman Dennis Chesnaye.

Thoes in Assen hef ze drie katten en een hond. Sophie Timmer is bekend van RTV Drenthe, maor Geert Timmer en Jaap Timmer bent misschien nog bekendere namen in Drenthe. Ze vertelt geern over de geschiedenis van heur opa en pa.

"Opa Geert Timmer wol as jongeman geern met auto's en motoren warken en bovenal ok geern racen. Hij begunde in 1924 in de autobranche bij De Wander NV, deur vier mannen opricht in 1919, toen nog aan de Collardslaan in Assen. Ongeveer tegeliekertied leup de ontwikkeling van het organiseren van een wegrace, want de vier mannen waren ok enthousiaste leden van de Motorclub Assen en Omstreken. Op het Britse eiland Man bestund de TT toen al en in Nederland was der ok wal behoorlijk animo veur. In 1924 weur de Motor- en Rijwielwet anpast en het was makkelijker um snelheidswedstrijden te organiseren."



Zaoterdag 11 juli 1925 weur der reden op de driehoek Rolde-Borger-Schoonloo. Dat was een groot succes. Opa Geert kreeg in 1925 van zien warkgever de kaans um zuch op de motorsport toe te leggen, want dat zul een goeie reclame veur het bedrief weden. Geert wun veul wedstrieden en later is hij directeur van de Wander worden.

"In 1946 trad hij toe tot het bestuur van de TT. Jaap Timmer, mien va, trad in de voetsporen van zien va wat betreft het bedrief. Hij huuld zuch ok bezig met de motorsport, waarin hij veule functies bekleedde zoas veurzitter van het TT bestuur, maor hij zat ok in het bestuur van de wereldmotorsportbond FIM. Daornaost warkte hij as commentator veur de NOS en veur Eurosport. As kind maakte ik met, dat het altied hiel drok was bij oes thoes in de dagen van de TT. Umdat mien va in het bestuur zat, kwamen der altied bekende coureurs bij oes an de deur. We gungen ok vaak naor het circuit en toen was het nog meugelijk um ongestraft in het rennerskwartier rond te lopen. Dat is nou wal aans."

In gesprek met ...

Sinds 1997 is Sophie bij RTV Drenthe werkzaam in veule hoedanigheden en sinds de nieuwe programmering is ze volledig met geschiedenis bezig in 'Drenthe Toen'. Lusteraors kent heur wellicht van dat programma op de zundag, maor misschien nog beter van 'De Brink' en 'De leste ronde' van een paar jaor leden. Het wark bij de umroep bevalt heur wel. Hoewel ze allent nog maor een uur op de zundag te heuren is, is ze toch de hiele week drok met het veurbereiden van heur programma. Het spiet heur niet dat 'De leste ronde', dat altied van half zes tot zes uur te heuren was op de radio, der niet meer is. Of en toe vund ze het wal een oefening in zelfbeheersing. Bellers die niet kunden relativeren en zunder gevuul veur humor waren, daor was moeilijk met um te gaon. Toch mist ze het telefonisch contact met de bellers wal. Het programma op de zundag is een opname en dan kunt de lusteraors niet bellen.

Sophie is een echte avonturier. Dat is niet zo zeer op de radio te merken, maor wal as ze vertelt over heur reizen. Ze was veurdat ze met heur studie geschiedenis startte al naor Japan wèest, maor is der een paar jaor leden weer hen wèest toen daor ok TT races waren. Logisch dat ze daor ok even gung kieken.



“Het mooiste van reizen is dat altijd weer thoeskomt. Het is goed je onder te dompeln in een aandere wereld, in aandere culturen. Je leert dan te relativieren. Ik gao geern allent op reis. As ik een museum in wil, dan zit ik daar soms een hiele dag. As ik iemand bij me heb, dan moet ik me anpassen as die aander eerder weg wil. Ok ben ik een keer allennig met de trein van oost naor west Amerika trökken. Underweg maakte ik korte filmpjes en die stuurde ik dan deur via internet. De familie kun dan metien zien wat ik metmaakte.”

Wel makkelijk as je naor Japan gaot dat de taol ok een beetje spreekt, maor Sophie gef an dat bij heur de kennis van die taol niet veul meer veurstelt. Ze hef ooit Arabisch probeerd te leren, maor daar is ok niet veul meer van bleven hangen.

Sophie benaodrukt op het lêest nog wel even dat de Drenten zondagmiddag naor heur programma ‘Drenthe Toen’ moet lustern, want geschiedenis in het algemien is interessant, maor de Drentse historie zeker, want die vind je hier nog overal in het landschap terug.



Dus kommende zondagmiddagen allemaal van twaalf tot twee uur lusteren naor RTV Drenthe.

Wim Oosting

